

簡
莊
疏
記

簡莊疏記卷五

梅寧陽疏誤

詩

甫田云倬彼甫田傳倬明貌釋文倬韓詩作莚音同云卓也
按釋詁云莚大也郭注莚義未聞顧謂說文云莚艸大也
从艸到聲蓋本雅訓與韓詩合郭氏未攷及此莚倬同聲
通用說文云倬著大也从人卓聲詩曰倬彼雲漢又大雅
桑柔云倬彼昊天傳倬明大貌然說文倬字不引小雅倬
彼甫田而引大雅倬彼雲漢疑許君所見本作莚彼甫田
也今本爾雅及釋文引韓詩莚誤作莚說文莚下云艸木
到也又別出莚字竝後人所竄易也

桑扈云兕觥其觥箋云古之王者與羣臣燕飲上下無失禮者其罰爵徒觥然陳設而已釋文觥本或作斛按說文云斛肉兒从角斗聲詩曰兕觥其斛左氏成十四傳引此詩杜注觥陳設之貌漢書五行志亦引此詩張晏曰飲酒和柔無失禮可罰之徒觥然而已周頌良耜云有挾其角箋云球以貌並當作斛穀梁成七年傳云展斛角而知傷范注斛球球然魚貌正作斛

彼交匪敖萬福來求箋賢者居處恭執事敬與人交必以禮則萬福之祿就而求之按左氏成十四年傳云告成叔傲甯子曰詩曰彼交匪敖杜注彼之交于事而不惰傲乃萬福之所求襄二十七年傳云公孫段賦桑扈趙孟曰匪交

匪敖福將焉往彼交作匪交漢書五行志又引作匪傲匪
傲應劭曰在位者不傲訐不倨傲也師古曰傲謂傲倖也
謂飲酒者不傲倖不傲慢則福祿就而求之均與毛詩不
合蓋魯詩說

鴛鴦云摧之秣之傳催莖也箋云摧今莖字也釋文莖韓詩
云委也委猶食也按說文云莖斬芻从艸莖聲萎食牛也
从艸委聲摧莖一聲之轉韓詩作莖故箋云今莖字也委
卽萎之省

顏升云如彼雨雪先集惟霰傳霰暴雪也箋云將大雨雪始
必微溫雪自上下遇溫氣而搏謂之霰久而寒勝則大雪
矣釋文霰亦作霰按釋天云兩霰爲霄雪郭注霰冰雪雜

下者故謂之消雪說文云霰稷雪也从雨散聲霓或从見
文選雪賦注引韓詩薛君曰霰霰也音英宋書符瑞志引
作霰英也曾子天圓云陰之專氣爲霰虛注陰氣在雨凝
滯爲雪陽氣薄之不相入散而爲霰故春秋穀梁說曰霰
者陽脅陰之符也與箋合

賓之初筵云賓載手仇傳手取也自取其匹而射箋云仇讀
曰斟釋文仇毛音求匹也鄭讀爲斟音俱謂挹取酒疏云
以祭無取于匹故曰仇讀曰斟按說文云斟挹取酒也从
斗甬聲廣雅云斟酌也大東云不可以挹酒漿傳挹斟也
此當從箋讀斟爲是

威儀忸忸傳忸忸媒媢也按說文云忸威儀也从人必聲詩

曰威儀必必釋文引舊音必平一反則必必當作必必然
詩言旣醉自宜從毛訓媒嬖說文但訓爲威儀疑有脫誤
式勿從謂箋云式讀曰慝釋文式徐云毛如字又云用也鄭
讀作慝他得反惡也疏以上文未有醉惡之事而云勿從
謂之故以式爲慝訓之爲惡毛不爲傳但毛無改字之理
必不與鄭同王肅云用其醉時勿從而謂傳意當然也按
式讀曰慝慝當作忒大雅抑篇云昊天不忒箋云不差忒
也或作恣又假用貸月令云宿離不貸鄭注不得過差也
漢書五行志云朔而月見東方謂之仄慝孟康曰仄慝者
以遲在日後當歿而更見是慝卽忒之俗字忒式形近故
鄭云式讀曰忒王肅不知而訓爲用非鄭義亦非毛義疏

矣謂傳意當然也釋文引徐又曰用也卽王肅義

采菽云平平左右傳平平辨治也釋文平平韓詩作便便云
閑雅之貌按左氏襄十一年傳引詩云便蕃左右詩疏引
服虔云便蕃辨治不絕之貌堯典云平章百姓史記五帝
紀作便章索隱云今文作辨章鄭注辨別也說文云采辨
別也象獸指爪分別也讀若辨兮古文采又云平語平舒
也从亏从八八分也又正也𠂔古文平然則平采辨便同
聲通用服注與毛合

角弓云毋教猱升木如塗塗附傳塗附著也箋云附木桴也
疏云以猱升木類之則附爲有形之物不得爲著故易傳
以塗之易著必是物之遯者故爲木桴桴謂木表之麋皮

也按釋宮云棟謂之桴說文云桴眉棟也从木孚聲是桴爲屋椽故涂易著若以爲木表麤皮則是朴矣說文云朴木皮也安見其易著涂乎經文孫當作麤塗當作涂

莫肯下遺式居婁驕箋云遺讀曰隨婁歛也疏云箋以遺棄之義不與謙下相類故讀曰隨隨從于人先人後已以相卑下之義也言用此下隨之行自居處收歛其驕慢之過爲敬順謙恭也此二句毛不爲傳但毛無改字之理又婁之爲數乃常訓也故別爲毛說焉按荀子引詩作莫肯下隧楊倞注隧讀爲隨蓋用鄭義釋詁云搜聚也歛亦訓聚故箋以婁爲歛婁搜通用釋文婁王讀力住反數也卽婁豐年之婁故訓爲數今俗作屢非也搜數俱从婁聲故轉

相訓

都人士序云古者長民衣服不賁云云與禮記緇衣同按緇衣引詩一章鄭注此詩毛氏有之三家則亡左氏襄十四年傳引詩云行歸于周萬民所望詩疏引服虔曰逸詩也疏又云韓詩實無此首章時三家立于學官毛氏不得立故服以爲逸可見三家與毛詩不惟字句有異同卽篇章亦有多寡也

謂之尹吉傳尹正也箋云吉讀爲姑尹氏姑氏周室昏姻之舊姓也疏引王肅云正而吉也又引孫毓云尹氏姑氏衰世舊姓豈必能賢按節南山云尹氏大師惟周之底韓奕云爲韓媾相攸左氏宣三年傳云媾吉人也后稷之元妃

也此周室昏姻舊姓之證孫說甚謬疏駁之是矣姑吉通用如婚爲昏妊爲壬也

垂帶而屬傳屬帶之垂者箋云屬字當作裂按說文云裂繒餘也从衣剝聲蓋裂爲繒餘故春秋紀子帛名裂繒裂亦作烈或作𦇧釋詁云烈餘也方言云烈餘也晉衛之閒曰烈廣雅云𦇧餘也烈屬一聲之轉思齊云烈假不暇鄭作屬𦇧不暇

白華云漈池北流浸彼稻田傳漈流貌箋云豐鎬之閒水北流釋文浸字亦作漈按說文云漈水流兒从水彪省聲詩曰漈沱北流沱江別流也从水宅聲然則詩當作漈沱北流漈彼稻田矣水經鄆水注云鄆水又北流西北注于漈

沱合水出鄆沱西而北流入于鄆世傳以爲水名故箋以爲豐鎬之間水北流也

念子燥燥視我邁邁傳邁邁不說也箋云念之燥燥然欲諫正之王反不說於其所言釋文燥燥亦作慘慘邁邁韓詩及說文並作悚悚孚呖反韓詩云意不說好也按釋訓云慘慘愠也說文云燥燥愁不申也从心臬聲詩曰念子燥燥怵很怒也从心𠂔聲詩曰視我怵怵邁蓋怵之假字說文與韓詩合

漸漸之后云有豕白蹄箋云豕之性能水又唐突難禁制按漢書食貨志云莽大驚天下囚徒人奴名曰豨突豨勇服虔曰豬性觸突人故以取喻與箋義合後漢書段熲傳云

羌遂陸梁覆沒營隄轉相招結唐突諸郡曹植牛鬪詩云
行至土山頭歛起相唐突晉子夜歌云小喜多唐突晉書
周顗傳云無乃刻畫無鹽唐突西施又後漢書孔融傳云
塘突宮掖馬融長笛賦云犇避碣突塘碣唐通困學紀聞
云唐突見南史陸厥傳不知前之言唐突者已多矣

大明云在洽之陽傳洽水也按說文云郃左馮翊郃陽縣从
邑合聲詩曰在郃之陽風俗通義引詩亦作在郃之陽漢
書地理志云左馮翊郃陽應劭曰在郃水之陽也漢曹全
碑云拜郃陽令水經漢水注云郃縣城南有漢水東流注
于河水南猶有文母廟前有碑去城五十里水卽郃水也
縣取名焉詩假洽爲郃

牧野洋洋按水經清水注引作毋野洋洋說文云毋朝歌南
七十里地周書武王與紂戰于毋野从土母聲玉篇引古
文尙書作毋誓此詩會朝清明箋引書牧誓釋文毋誓音
牧本又作牧知箋本作毋後人改作牧

緜篇云陶復陶穴傳陶其土而復之陶其壤而穴之釋文復
音福說文作覆按覆當作窶說文云窶地室也从穴復聲
詩曰陶窶陶穴廣雅云窶窟也玉篇云窶或作塤今詩作
復假借或作塤俗字也

周原膃膃傳膃膃美也箋云膃膃然肥美釋文膃音武美也
韓詩同按文選魏都賦云膃膃塉野劉注膃膃美也詩云
周原膃膃李善引作韓詩則膃膃美也卽韓詩說釋文蓋

謂韓訓與毛同實則韓詩作𦔐𦔐耳小旻云民雖靡𦔐釋文𦔐韓詩作𦔐與此正同廣雅釋訓云𦔐𦔐肥也與箋肥美亦合

旱麓云瑟彼玉瓚箋云瑟潔鮮貌釋文瑟字又作瑟按說文云瑟玉英萼相帶如瑟聲從玉瑟聲詩曰瑟彼玉瓚玉篇引廣倉云琤同瑟文選江賦云瑤珠怪石琤其奏李注琤謂又采相雜是瑟爲正字瑟爲假字琤爲俗字也

皇矣云求民之莫傳莫定也箋云求民之定無所歸就也按莫當作𦔐釋詁云𦔐定也郭注靜定見詩說文云𦔐𦔐𦔐也从口莫聲廣雅云𦔐安也玉篇云𦔐定也呂覽首時云飢馬盈廐𦔐然未見芻也高注𦔐然無聲漢書引詩作求

民之瘼蓋三家本

串夷載路傳串習夷常路大也箋云串夷卽混夷西戎國名也路應也釋文串一本作患或云鄭音患路瘠詩本皆作瘠孫毓評作應後之解者衆以瘠爲誤疏云毛讀患爲串串習夷常路大皆釋詁文王肅曰天以周家善于治國徒就文王明德以其由世習于常道故得居是大位也鄭以詩本爲患故不從耳采薇序曰西有混夷之患是患夷者患中國之夷故患夷則混夷也路之爲應更無正訓鄭以義言之耳本或誤作瘠孫毓載箋爲應是本作應也定本亦作應按說文云毋穿物持之也从一橫田象寶貨之形讀若冠患惠也从心上貫叩叩亦聲岡古文从闕省惠亦

古文患是母與患各義母隸變爲串與患首相同患从心上貫卽不从二中董仲舒說書云止于一者謂之忠持兩忠者謂之患此出于緯倏非六書本義毛傳本爾雅作母訓習乃攢之假字說文云攢習也从手貫聲鄭本亦作母訓混亦屬假借故曰母夷卽混夷隸變母爲串因轉作患攷釋文串一本作患或云鄭音患而不作患疏云患夷者患中國之夷非也路之訓瘠自是應之誤應瘠形近然訓應亦不知所出故疏云無正訓也

貊其德音傳貊靜也箋云德正應和曰貊釋文貉本作貊左傳作莫音同韓詩同云莫定也按詩當是貉其德音故釋文貉本作貊蓋狐貉之貉本作貉讀作涸貉與貉異文異

音俗廢貉作貉而以貉代貉非也釋詁云貉嘆安定也郭注皆靜定見詩貉爲默之假字韓詩作莫乃嘆之假字與求民之嘆同左氏昭二十八年傳云德正應和曰莫詩疏引服虔曰言皆莫然而定無譴譴也樂記引詩云莫其德音鄭注德政應和曰莫與此箋同並與左傳韓詩合也

無然畔援傳無是畔道無是援取箋云畔援猶跋扈也釋文引韓詩云畔援武強也疏跋扈凶橫自恣之貌漢質帝謂梁冀爲跋扈將軍是古今之通語也按毛云畔道援取是分畔援爲二鄭不從而箋以跋扈與韓詩所云武強合也玉篇引詩云無然伴換漢書敘傳云項氏畔換師古曰畔換強恣之貌猶言跋扈詩大雅皇矣篇云無然畔換又魏

都賦云雲徹叛換又卷阿云伴奭爾游矣並同聲通用伴奭與畔援俱屬連綿形容之字毛傳分訓鄭皆不從王肅于卷阿伴奭有意難鄭不知伴奭與優游並是疊音如易云盤桓之類是也

崇墉屹屹傳屹屹猶言言也釋文屹屹韓詩云搖也說文作屹按說文云屹牆高兒从土乞聲詩曰崇墉屹屹玉篇云屹亦作屹今本釋文及注疏本引說文作屹誤也

靈臺云白鳥嚶嚶傳嚶嚶肥澤也按嚶當作雌說文云雌鳥之白也从白雀聲何晏景福殿賦云雌雌白鳥正作雌雌孟子引詩云白鳥鶴鶴同聲假借賈誼書引作白鳥皞皞則別字矣釋文引字林云鳥白肥澤曰嚶下沃反然則今

本詩之作鬻鬻者其出于字林乎

文王有聲云通求厥寧箋云通述按說文云吹詮詞也从欠从曰曰亦聲詩曰吹求厥寧廣雅云吹詞也漢書敘傳云吹中和爲庶幾兮師古曰吹古聿字聿由也文選幽通賦作聿曹大家曰聿維也下章通追來孝禮記引作聿釋言云律通述也詩疏引作聿曰述也通聿由吹律述竝通用生民云先生如達傳達生也箋云達羊子也按說文云𦍋小𦍋也从𦍋大聲讀若達𦍋或省今詩假用讀若之字疏引薛綜荅韋昭曰羊子初生達小名羔未成羊曰𦍋大口羊以長幼之異名以羊子初生之易故以比后稷生之易也此本說文與鄭箋合或以鄭箋易字爲𦍋似大嫌非也

生民云不坼不副傳言易也按說文云坼裂也詩曰不坼不
離从土辟聲副判也从刀冂聲離籀文副史記楚世家云
陸終生子六人坼剖而生焉集解干寶曰先儒學士多疑
此事譙允南通才達學精核正理者也作古史攷以爲作
者妄記廢而不論余亦尤其生之易也然前志所傳修己
背坼而生禹簡狄剖匈而生契歷代久遠莫作相證近黃
初五年汝南屈雍妻王氏生男兒從右脇下水腹上出而
和平自若數月創合母子無恙斯蓋近時之信也以今況
古故知記注者之不妄也詩云不坼不副無災無害原詩
人之旨明古之婦人常有坼副而產者矣又有因產而遇
災害者故美其無害也此則可補詩疏

克岐克嶷傳岐知意也嶷識也按說文云嶷小兒有知也从
口疑聲詩曰克岐克嶷今作嶷者同聲假借也太玄吟次
三云貌不交嶷嶷無辭范注嶷有聲而無辭也是本
有作嶷者但嶷爲別字當作岐

禾役稊稊傳役列也稊稊苗好美也按說文云穎禾末也从
禾頃聲詩曰禾穎稊稊禾芑之兒从禾遂聲詩曰禾穎
稊稊今詩作役穎役一聲之轉下章云實穎實粟傳穎垂
穎也書敘云唐叔得禾異畝同穎史記集解引鄭注二苗
爲一稊是穎有行列之意故訓爲列疏云供役者在于行
列禾無在役之義故知役爲列也言其行相當因禾文單
故以役配之不知役爲穎之假借禾穎非單文與供役無

涉也釋訓云穊穊苗也郭注言茂好也毛傳與雅訓合疏亦失引

瓜𪔐𪔐傳𪔐𪔐然多實也按說文云華艸盛从艸奉聲𪔐大笑也从口奉聲讀若詩曰瓜𪔐華華是華爲正字𪔐爲假借集韻引作𪔐𪔐因上瓜傍謬爲此字耳

𪔐𪔐豐艸傳𪔐治也釋文𪔐韓詩作拂拂弗也按說文云𪔐道多艸不可行从艸弗聲拂過擊也从手弗聲周語云道𪔐不可行也章注艸𪔐塞路爲𪔐釋詁云弗治也方言云拂拔也是韓詩作拂爲正字毛詩作𪔐爲假字𪔐𪔐豐艸猶云拔去其茂艸耳

維𪔐維𪔐維𪔐維𪔐傳𪔐黑黍也𪔐一稔二米也𪔐赤苗也

芑白苗也按釋艸云秬黑黍秠一稂二米蘗赤苗芑白苗
說文云秬黑黍也一孚二米以釀也从𠂔矩聲秬或从禾
秠一孚二米从禾丕聲詩曰誕降嘉種惟秬惟秠天賜后
稷之嘉穀也蘗赤苗嘉穀从艸𦉰聲芑白苗嘉穀从艸己
聲詩曰惟蘗惟芑鄭志張逸問云𠂔人職注秬如黑黍一
孚二米按爾雅秠一孚二米未知二者同異荅曰秠卽其
皮孚亦皮爾雅重言以曉人更無二偶也鱣謂說文秬秠
並言一孚二米鄭與之合蘗或假借作麋今誤爲麋

或春或揄傳揄抒曰也釋文揄說文作𠂔弋沼反按說文云
𠂔抒曰也从爪曰詩曰或簾或𠂔抗或从手𠂔𠂔或从曰
𠂔地官春人云女春抗二人鄭注女春抗女奴能春與抗

者詩云或舂或抔有司徹云二手執挑匕枋以挹滹鄭注挑謂之歆讀如或舂或抔之抔字或作挑者秦人語也今文挑作挑蓋鄭注三禮所引爲韓詩說文所偶則毛詩也說文當云或舂或留而云或簸或留傳寫之誤姚令威謂後人改留爲蹂詩攷亦引作或簸或留則自宋已然矣行葦云敦弓旣堅傳敦弓畫弓也釋文敦音彫徐又都雷反下云敦弓旣句釋文句說文作敦云張弓曰敦按說文云彈畫弓也从弓韋聲初學記引舊音丁昆反孟子萬章篇云弤朕趙注彫弓音義引丁音彫云義與彈同彈敦彫聲近通用說文又云敦張弩也从弓毀聲東京賦云彫弓斯敦薛注彫弓謂有刻畫也敦張也今詩作句假字也

鳬鴈在涇楚辭騶玉虬以乘鴈征遼埃風余上證王逸注鴈
鳳別名也

鳬鴈在涇傳涇水會也箋云涇水外之高者也疏涇音如叢
則叢是聚義且字從水眾知是水之會聚之處箋以水會
亦在水中與涇無異不宜別文此承摺下渚既是水中高
地涇當是水外之高地涇者地高之貌按說文云小水入
大水曰涇从水从眾詩曰鳬鴈在涇說文與毛傳合鄭蓋
以涇爲崇之假借也

公劉云芮鞠之卽傳芮水厓也鞠究也箋云芮之言內也水
之內曰隩水之外曰鞠釋文芮本又作汭按釋止云厓內
爲隩外爲鞠詩疏引李巡曰厓內近水爲隩其外爲鞠孫

炎曰內曲裏也外曲表也釋文鞫字林作坭云隩厓外也
說文云汭水相入也从水从內內亦聲隩塞也从自房聲
周官職方云其川涇汭鄭注引詩汭坭之卽漢書地理志
云詩芮隩雍州川也師古曰隩與鞫同韓詩作芮隩言公
劉止其軍旅欲使安靜及就芮隩之間耳是汭隩爲正字
芮鞫爲假借職方注作坭後人以字林改也別作泥泥非
民勞云戎雖小子傳戎大也箋云戎猶汝也疏戎大釋詁文
王肅曰在王者之大位雖小子其用事甚大也箋以下已
有大故訓戎爲汝孫毓云戎之爲汝詩人通訓言大雖小
子於文不便箋義爲長按孫評是也崧高云戎有良翰箋
亦云戎汝也戎汝一聲之轉常棣云烝也無戎讀爲汝與

務叶

以謹繾綣傳繾綣反覆也釋文繾綣上音遣下起阮反字或作卷按當作遣卷左氏昭二十五年傳云繾綣從公無通外內亦當作遣卷

板篇云無然泄泄傳泄泄猶沓沓也按釋訓云憲憲泄泄制瀼則也說文云噍多言也从口班聲詩曰無然噍噍言部又有誣字訓同當卽誣之重文是誣爲正字泄爲假借孟子引詩亦作泄泄唐石經作洩洩緣廟諱偏旁不可從也無爲夸毗傳夸毗體柔人也箋云女無夸毗以形體順從之按釋訓云夸毗體柔也史記索隱引舍人云夸毗卑身屈己也曹大家云體柔人之夸毗也說文云夸奢也从大亏

聲蚘人臍也从囟比聲然則夸蚘者大腹之謂釋訓與遽
條臧施連文遽條粗竹席臧施層諸二物皆粗醜是夸蚘
亦粗醜之狀釋蟲云蚘蜂大螳郭注俗呼爲馬蚘蜂說文
云蠶蠹大螳也今有一種大蟻長足大腹白色最能蠹物
名曰白蟻吳越方言狀人之工于媚說而蠹人者爲白馬
蟻殆亦夸蚘之意集傳夸大蚘哺也分爲二義不從雅訓
攷後漢書崔駰傳云夫君子非不欲仕也恥夸蚘而求舉
非不欲室也惡登牆而攫處李注夸蚘謂佞人足恭善爲
進退然與登牆爲對不當分訓二字也

民之方殿屎傳殿屎呻吟也按釋訓云殿屎呻也詩疏引孫
炎曰人愁苦呻吟之聲說文云唸呶也从口念聲詩曰民

之方唵呬呬唵呬聲也从口尸聲今詩作殿屎俱假借釋
文及五經文字引說文作唵呬並傳寫之誤

蕩篇云汝無然于中國傳無然猶彭亨也箋云無然自矜氣
健之貌按然爲俗字當作咆哮說文云咆嗥也从口包聲
哮豕嗥聲也从口孝聲玉篇云咆哮也

抑篇云抑抑威儀傳抑抑密也按釋訓云抑抑密也詩疏引
舍人曰威儀靜密楚語云衛武公作懿戎以自儆韋注懿
詩大雅抑之篇也抑讀曰懿是懿爲正字說文云懿專久
而美也从壹从忝省聲壹專壹也从壺吉聲專壹有密意
故訓爲密懿抑噫意同聲通用瞻印云懿厥哲婦箋云懿
有所痛傷之聲也此借懿爲噫十月之交云抑此皇父箋

云抑之言噫釋文抑徐音噫韓詩云意也此借抑爲噫論語云抑與之與漢石經作意與之與又借意爲抑也

有覺德行傳覺直也按緇衣引作有桔德行釋詁云桔直也又云梗較直也方言云梗覺也郭注謂直也釋名云覺告也鄭注天官司裘云鵠之言較較者直也覺較告桔鵠通用

尙不愧于屋漏傳西北隅謂之屋漏箋云屋小帳也漏隙也按釋宮云西北隅謂之屋漏御覽引舍人云古者徹屋西北扉以炊浴汲者汙而復之詩疏引孫炎云當室之白日光所漏入鄭以屋爲小帳者說文云樞木帳也从木屋聲釋名云樞屋也以帛衣服施之形如屋也樞屋通用俗作

幄非小帳疑當作木帳小星箋云調木帳也此疏云幄在帷幕之內幕是大帳則幄爲小帳知唐本已作小帳矣漏隱釋

雲漢云繄隆蟲蟲傳蟲蟲而熱釋文繄蟲韓詩作炯音徒冬反按釋訓云熾熾炎炎熏也郭注皆旱熱熏炙人熾爲別字當依詩作蟲韓詩作炯者說文云炯光也从火回聲廣雅云炯熱也一切經音義引埤倉云炯炯然熱貌也蓋本韓詩蟲乃炯之假字

滌滌山川傳滌滌旱氣也疏此皆爲旱而言故知滌滌是旱氣也按說文云蔽艸旱盡也从艸俶聲詩曰蔽蔽山川是蔽爲正字滌爲假借玉篇引詩蔽蔽山川非

韓奕云倅革金厄傳厄烏蠋也箋云以金爲小環往往纏揭之按說文云揭把也从手鬲聲提或从尾卷服云苴經大揭鄭注盈手曰揭中人之手楹圍九寸是或作鬲或作尾皆从省俗又誤厄三音

韓奕云其藪維何維筍及蒲傳藪菜筍竹也箋云筍竹萌也箋云藪音速筍字或作筍按說文云藪鼎實惟葦及蒲从藪從聲餽或从食束聲易鼎九五云覆公餽釋文引鄭注餽菜也是藪爲正字餽爲或體藪爲別字說文云惟葦及蒲與毛詩不合筍或作筍非

有貓有虎傳貓似虎淺毛者也釋文貓本又作苗按釋獸云虎竊毛謂之虬貓說文云虬虎竊毛謂之虬苗是苗爲正

字貓是別字

常武云鋪敦淮濱傳濱涯箋云敦當作屯釋文鋪徐音乎陳也韓詩作敷云大也敦王申毛如字厚也韓詩云迫鄭作屯徒門反疏敦訓爲厚于義不協故破之爲屯按說文云濱水厓也从水賁聲詩曰敦彼淮墳是毛詩作敦彼淮濱傳于敦無訓鄭讀作屯猶言屯兵于彼淮上耳行葦云敦彼行葦文選注引鄭箋團聚貌屯亦聚也敦屯同聲通用韓詩作敷敦淮濱訓鋪爲大訓敦爲迫猶言大兵敦迫就道耳王肅訓敦爲厚非也

周頌維天之命云假以溢我傳假嘉溢慎箋云溢盈溢之言也按說文云誡嘉善也从言我聲詩曰誡以謚我蓋傳訓

假爲嘉與說文之譏字雖不同而訓則合左氏襄三十年引詩作何以恤我何譏恤譏聲相近也釋詁云溢慎也又云謚謚靜也史記夏本紀云惟刑之靜哉徐廣曰今文云惟刑之謚哉索隱云恤譏聲近莊子云以言其老洎也釋文本亦作溢同音逸是假借通用也

思文云貽我來牟傳牟麥釋文貽字又作詒牟字書作麤字或作麥按說文云來周所受瑞麥一束二縫象芒束之形天所來也故爲行來之來詩曰詒我來麤漢書劉向傳引作飴我釐麤云釐麤麥也始自天降釐來一聲之轉故得假用少牢饋食禮云來汝孝孫注來讀曰釐是也文選注引韓詩作詒我嘉麥薛君曰麥大麥也蓋麤爲正字牟爲

假借𦵏爲別字

有𦵏云應田縣鼓傳應小𦵏也田大鼓也箋云田當作𦵏𦵏
小鼓在大鼓旁應𦵏之屬也聲轉字誤變而爲田疏𦵏字
以東爲聲聲旣轉去東惟有申在申字又誤去其上下故
變作田也按說文云𦵏擊小鼓引樂聲也从申東聲周禮
曰令奏鼓𦵏讀若引春官大師云令奏鼓𦵏注鄭司農云
小鼓爲大鼓先引故曰𦵏𦵏讀爲導引之引元謂鼓𦵏猶
言擊𦵏詩曰應𦵏縣鼓詩箋禮注與說文俱合但說文从
申東聲似誤當云从申東申亦聲古田陳同聲陳从申聲
𦵏亦从申聲故聲轉字誤變而爲田疏云𦵏字以東爲聲
又傳寫之誤

簫管備舉箋云簫編小竹管如今賣飴者所吹也管如篴并而吹之疏賣飴之人吹簫以自表也按春官小師云簫管注簫編小竹管如今賣飴飴所吹者與此同後漢書馮衍傳云跳梁叫呼販糖之妾不忍其態南齊書傅琰傳云賣鍼賣糖二老姥爭團絲傳縛絲于柱鞭之密視有鍼屑乃罰賣糖者觀此二事豈古時惟婦人賣飴乎

魯頌思樂云薄采其茆傳茆薺葵也釋文茆音卯徐音柳韋昭萌藻反按說文云茆薺葵也从艸茆聲詩曰言采其茆天官醢人云茆道注鄭大夫讀茆爲茅茅初生或曰茆水艸杜子春讀茆爲卯元謂茆薺葵也鱸之間也茆从卯聲漢書律歷志云冒茆于卯今本說文作茆讀若柳蓋爲徐

邈所誤據鄭大夫讀爲茅杜子春讀爲卯韋昭音萌藻反
合諸漢志皆是茆非茆之證若作茆从卯卽酉字說文酉
部自有舊酒之舊甸師云祭祀其蕭茅鄭大夫云蕭字或
爲舊舊讀爲縮正不得與鳧葵之茆相混玉篇並存茆尤
二字而兩讀之殆未深考或又改天官杜注讀茆爲茆尤
非也

靡有不孝箋云國人無不法倣之者按上文維民之則箋云
則法也僖公之行民之所法倣也此箋云無不法倣蓋承
上文而言胡比部秉虔曰經文當作靡有不學鄭君故以
法倣箋之學古文作孝與孝字形近也臚謂斯言良是泮
宮本學名二章云匪怒伊教已言教化則此作學與上相

應然疏云以此化民民皆倣之魯國之民無有不爲孝者是唐本已作孝矣

憬彼淮夷來獻其琛傳憬遠行貌琛寶也釋文憬說文作愬音彊云闊也一曰廣大也按說文嬰讀若詩云穰彼淮夷之穰愬闊也一曰廣大也一曰寬也从心廣廣亦聲憬覺悟也从心景聲詩曰憬彼淮夷說文穰下不引此詩據釋文穰當爲愬但引詩仍作憬與釋文不合漢郭旻碑獫蠻憬彼用緩海濱亦作憬又釋言云琛寶也說文云珍寶也从玉今聲隸作珍又轉爲琛

閼宮云實始翦商傳翦齊也箋云翦斷也疏齊卽斬斷之意故箋以爲斷其意同也按說文云戡滅也从戈晉聲詩曰

實始戡商是戡爲正字釋言云翦齊也秋官云翦氏鄭注
翦斷滅之言也翦戡同聲通用傳本爾雅釋言箋禮注本
說文疏說似混錢詹事據釋詁翦勤也不從毛鄭鱣謂大
王之時商祚未衰安有翦滅之意若訓勤似爲得之

商頌那篇云執事有恪傳恪敬也按釋詁云恪敬也恪當作
憲說文云憲敬也从心客聲春秋傳曰以備陳三憲王篇
云恪同憲魏封孔羨碑云三恪蓋隸變爲恪又省作恪也
烈祖云旣戒旣平傳戒至按釋詁云艘至也史記索隱引孫
炎曰艘古屈字方言云艘至也艘宋語也說文云艘船箸
沙不行也从舟𠂔聲讀若莘大雅瞻卬云靡有夷屆屆戒
艘並通用

長發云百祿是道傳道聚也按釋詁云拏聚也釋文拏郭音道方言云凡斂物而細謂之拏說文云拏束也从手𣎵聲詩曰百祿是拏道拏同聲通

武王載旆傳旆旗也箋云建旆與師出伐按說文云坡治也一曰垂土謂之坡詩曰武王載坡一曰塵兒从土攴聲與毛詩不合韓詩外傳及荀子議兵篇並引詩作載發周語云王耕一墦韋注墦一相之坡也坡發同聲通用墦爲別體

殷武云采入其阻傳采採箋云采冒也按說文云采周也从网米聲詩曰采入其阻采或从南省五經文字云說文作采隸省作采見詩今本作采或作采誤說文周也釋文引

作冒也與鄭箋詩合可證今本之誤然徐鍇繫傳云网卽
周布之意則已作周矣

簡莊疏記卷六

海寧陳鱣撰

周禮

天官云乃立天官冢宰鄭注言冢宰於百官無所不主釋文鄭云宰主也干云濟其清濁和其剛柔而納之中和曰宰按釋文於宰字因鄭注無所不主故推言之曰宰主也干注深得宰字之義說文云宰舉人在屋下執事者从宀从辛辛舉也急就篇云廚宰切割給使令顏注宰主烹飪者蓋宰本執事之役借爲大官之稱耳

大宰注變冢言大進退異名也百官總焉則爲之冢列職于王則稱大冢大之上也山頂曰冢釋文大音泰注及後放

此按注明言變豕言大則大當讀如字況對下小宰而稱大宰陸音泰非也若云音泰者在大之上則注以豕爲在大之上矣何必以大宰爲在大之上乎

胥十有二人注胥讀如諧謂其有才知爲什長按說文云諧
衡也从言胥聲易歸妹六三云以須賈疏引鄭注須才智
之稱天文有須女屈原之姊名女須詩桑扈云君子樂胥
箋胥有才智之名也諧胥須通用

膳夫注膳之言善也今時美物曰珍膳按說文云膳具食也
从肉善聲莊子至樂云具大牢以爲善是膳亦作善漢書
宣帝紀云其令大官損膳省宰師古曰膳具食也食之善
者也蓋兼取許鄭二君說

庖人注庖之言苞也裹肉曰苞苴按說文云庖廚也从广包聲易泰九二云包荒釋文包本又作苞姤九二云包有魚釋文包本又作庖曲禮云苞苴鄭注苞苴裹魚肉或以葷或以茅庖从包聲包包通用故云庖之言苞也

腊人注腊之言夕也疏夕或作久按說文云簪乾肉也从殘肉日呂睢之與俎同意籀文从肉今作膾者籀文之變也易噬嗑六二云噬腊肉釋文引馬云睢于陽而煬于火曰腊肉穀梁莊七年傳云日入至于星出謂之簪詩頌弁云樂酒今夕楚詞章句引作今簪列子周穆王云昔昔夢爲國君張注昔昔夜夜也或作久者詩墓門云誰昔然矣毛傳昔久也

寺人注寺之言侍也按說文云寺廷也有法度者从寸出聲侍承也从人寺聲蓋寺本官舍之名此侍御之人當爲侍人釋名云侍時也尊者不言常于時供所當進者也侍時俱从寺故取偏旁以釋之

大宰之職云祿位以馭其士注祿若今月奉也釋文奉本或作俸按作俸者俗字續漢書百官志云百官受奉例大將軍三公奉月三百五十斛中二千石奉月百八十斛二千石奉月百二十斛比二千石奉月百斛千石奉月八十斛六百石奉月七十斛比六百石奉月五十斛四百石奉月四十五斛比四百石奉月四十斛三百石奉月四十斛比三百石奉月三十七斛二百石奉月三十斛比二百石奉

月二十七斛一百石奉月十六斛斗食奉月十一斛佐史奉月八斛凡諸受奉皆半錢半穀此漢之月奉可攷者

挾日而歛之注從甲至甲謂之挾日凡十日釋文挾字又作浹同干本作帀子合反十日也按左氏成九年傳云浹辰之間杜注浹辰十二日也孔疏浹謂周帀也從甲至癸爲十日從子至亥爲十二辰周禮縣治象浹日而歛之謂周甲癸十日此言浹辰謂周子亥十二辰故爲十二日也說文云帀周也从反出而帀也淮南原道云周而復帀蓋挾日當依干本作帀日故左傳疏亦以周帀釋之挾爲假借浹爲別字左傳亦當作帀辰俗作匝非

大喪贊贈玉含玉注含玉死者口實釋文含本又作琯戶暗

反按哈當作瑤說文云瑤送死口中玉也从王从含含亦聲一切經音義含字林作瑤瑤紺反字林本說文也

小宰之職云歛弛之賦事注杜子春弛讀爲施玄謂荒政弛力釋文弛劉本作施按弛施通用左氏昭十四年傳云乃施邢侯疏音語施邢侯氏孔晁云廢其族也則國語讀爲弛訓之爲廢家語說此事亦爲弛王肅注弛宜爲施施行也服虔云施罪于邢侯施猶劾也杜無注當從施也鍾謂論語云君子不施其親釋文施作弛此鄭君不從杜易字而仍訓爲弛舍之弛耳

聽稱賣以傳別又聽賣買以質劑注傳別謂爲大手書于一札中字別之質劑謂兩書一札同而別之傳別質劑皆今

之券書也按秋官朝士云凡有賣者有判書以治疏半分而合者卽質劑傳別分支合同兩家各得其一也今人賣買田宅多于契背作一手大字而于中央破之謂之合同文契商賈交易書券則直言合同蓋本乎此

宰夫之職云府掌官契以治藏史掌官書以贊治注治藏文書及器物贊治若今起文書草也按漢書高帝紀云蕭何盡收秦丞相府圖籍文書刑法志云文書盈几閣典者不能徧睹中論遺交篇云文書委于官曹繁囚積于囹圄後漢書光武紀云文書調役務從簡寡今官曹公文皆謂之文書其案牘謂之彙

書其能者與其長者而以告于上注鄭司農云若今時舉孝

廉賢良方正茂才異等按漢書文帝紀云二年詔曰及舉
賢良方正能直言極諫者以匡朕之不逮十二年詔曰孝
悌天下之大順也力田爲生之本也三老厭民之師也廉
吏民之表也朕甚嘉此武帝紀云元朔元年詔曰深詔執
事興廉舉孝其與中二千石議不舉者罪有司奏議曰今
詔書昭先帝令緒令二千石舉孝廉所以化元元移風俗
也不舉孝不奉詔當以不敬論不察廉不勝任也當免奏
可元封五年詔曰其令州郡察吏民有茂才異等注應劭
曰舊言秀才避光武諱稱茂才異等者趙等軼羣不與凡
同也此所舉之目也

庖人云其祭祀之好羞注謂四時所爲膳食若荊州之鱧魚

青州之蟹胥雖非常物進之孝也按說文云蟹臧魚也南方謂之鮓北方謂之蟹从魚蟹省聲胥蟹醢也从肉疋聲蟹通作差春秋庾公差字子魚隸變爲鮓別作鮓釋名云鮓泮也呂鹽米釀之如菹孰而食之也又云蟹胥取蟹臧之使骨肉解之胥胥然也釋文引字林云胥先於反蟹醬也胥別作蛸集韻蛸蟹醢四夜切困學紀聞云當從集韻非也

夏行脍鱸注鄭司農云脍乾雉鱸乾魚玄謂脍鱸曝熟而乾按說文云脍北方謂烏昔曰脍从肉居聲鱸乾魚尾鱸鱸也从肉肅聲周禮有脍鱸士相見禮云夏用脍注備臭腐也遵人職云魚鱸注鱸者析乾之出東海鱸並當作鱸吳

地記云闔閭患海魚而難于生致治生魚一漬而日乾之故名爲鰲今人讀如想實卽鰲之別體

內饗云牛夜鳴則廔注鄭司農云廔朽木臭也釋文引干云廔病也按說文云廔久屋朽木从广酉聲周禮曰牛夜鳴則廔臭如朽木說文與先鄭注合內則鄭注廔惡臭也春秋傳曰一薰一廔今傳作猶杜注猶臭草也蓋草臭爲猶木臭爲廔干云病也非

鼈人云凡狸物注狸物亦謂鱣刀含漿之屬按釋魚云鰓鱣刀郭注今之鰓魚也亦呼爲魴魚又云蚌含漿郭注蚌卽蜃也蓋二物常蛭伏于泥中故爲狸物

腊人云臘胖注鄭司農云臘胖肉鄭大夫云胖讀爲判杜子

春讀胖爲版又云膳胖皆爲夾脊肉又云禮家說以胖爲半體玄謂膳亦腠肉大臠胖宜爲膳而腥胖之言片也析肉意也按說文云膳無骨咎也揚雄說鳥咎也从肉無聲周禮有膳胖讀若謨胖半體肉一曰廣肉从肉从半半亦聲有司徹云皆加膳祭于其土注膳讀如殷嘏之嘏剝魚時割其腹以爲大臠也鄭注膳與說文不合然杜子春以膳胖爲夾脊肉則是膾及肫而非膳胖故後鄭不從也說文云胖半體肉蓋用禮家說引周禮本作膳判段大令云判蓋胖之誤倘云依鄭大夫易爲判則半部不出胖字矣今據正

瘍醫云祝藥注祝當爲注讀如注病之注聲之誤也注謂附

著藥按釋名云注病一人死一人復得氣相灌注也此但擬其音故又釋其義云附著藥者如今之藥線以紙貫藥注于所患之中耳

以五毒攻之注今醫方有五毒之藥作之合黃螫置石膽丹砂雄黃礬石慈石其中燒之三日三夜其煙上著以雞羽埽取之以注創惡肉破骨則盡出釋文螫本又作螫疏言合黃螫者內則有敦螫卮匱鄭注云敦螫黍稷器不言黃此言黃者見今時合和丹藥者皆用黃瓦甌爲之亦名黃螫事出于此也按螫當作螫說文云螫銀屬从金敕聲內則云敦牟注齊人呼土釜爲牟讀曰螫也本草圖經云故翰林學士楊億嘗筆記直史館楊峒有瘍生于頰人語之

依鄭法合燒藥成注之瘡中遂愈信古方攻病之速也

酒正云二曰醴齊注醴猶體也成而汁滓相將如今恬酒矣
按說文云醴酒一宿孰也从酉豐聲釋名云醴禮也釀之
一宿而成醴有酒味而已也詩吉日云且以醕醴文選注
引韓詩說曰醴甜而不泚也呂氏春秋重己云醕醴高注
醴者目麴與黍相體不目米也漢書楚元王傳云爲穆生
設醴師古曰醴甘酒也少麴多米一宿而就凡此皆甜酒
之證注借恬爲甜

三曰盎齊注盎猶翁也成而翁翁然葱白色如今鄮白矣釋
文鄮卽今之白醴酒也宜作醴作鄮假借也在何反按醴
亦俗字說文有醢字云闕玉篇云醢昨冉反醢醢味薄也

注蓋借鄮爲醫鄮百家爲鄮疏云鄮白漢時蕭何所封南陽地名鄮亦非蕭何所封邯鄲縣應邵音嵯相承作鄮又假借也注云翳翳然乃滂之假字釋名云益齊益滂也滂滂然濁色也說文云滂雲氣起也言酒初成如雲氣耳
二曰醫注醫之字從毆從酉省也釋文毆本或作鑿疏從毆省者去羽從酉省者去水按注中省字後人所加說文云醫治病工也毆惡忤也醫之性然得酒而使从酉王育說一曰毆病聲酒所以治病也周禮有醫酒古者巫彭初作毆蓋醫在酉部故从酉从毆會意酉卽酒也後人罕見毆字又因醫酒致有改鄮注作從翳省從酒省者故疏云從翳省者去羽從酒省者去水今本注中從毆從酉不誤惟

衍一省字疏中亦作從殿從酉云云遂不可解釋文殿本
或作鑿更謬惠徵君古義段大令漢讀考俱改注從酒省
但未允

凌人云春始治鑑注鑑如甄大口以盛冰置食物于中以禦
溫氣疏漢時名爲甄卽今之甕是也按說文云鑑大盆也
从金監甬小口甕也从缶𠂔聲玉篇云甬古文作甄方言
三甄甕也自關而西晉之舊都河汾之間謂之甄列子殷
湯篇云山名壺頌狀若甕甄然則不獨漢時名爲甄矣

縫人云以役女御以縫王及后之衣服注女御裁縫王及后
之衣服則爲役助之宮中餘裁縫事則專爲焉按今人目
衣工爲裁縫本此說文云裁制衣也从衣戈聲蓋衣必先

裁故鄭君兼言之論衡譏曰篇沐浴裁衣書云在身之物莫重于冠造冠無禁裁衣有忌何也今人又以衣工爲裁衣而擇日書尙有宜裁衣日也

追師云掌王后之首服爲副編次注副之言覆所以覆首謂之飾其遺象若今之步繇矣服之以從王祭祀編編列髮爲之其遺象若今假紒矣服之以桑也次次第髮長短爲之所謂髮髻服之以見王按詩君子偕老云副笄六珈傳副者后夫人之首飾編髮爲之笄衡笄也箋云副旣笄而加飾如今步搖上飾古之制所有未聞明堂位云夫人副褱鄭注副首飾也今之步搖是也鄭君此注步繇爲副之遺象假紒爲編之遺象廣雅則云假結謂之髻蓋副有衡

笄爲飾而編次無之其實副與編次皆取列髮以爲假結也釋名云副覆也以覆首亦言副貳也兼用眾物成其飾也步搖上有垂珠步則搖動也編編髮爲之也次次第髮也髮被也髮少者得以被助其髮也續漢書輿服志云皇后謁廟假結步搖簪珥步搖呂黃金爲山題貫白珠爲柱枝相糾入爵九華熊虎赤熊天鹿辟邪南山豐大特六獸後漢書東平王蒼傳云今送光烈皇后假紒帛巾各一注副三輔謂之假紒晉書五行志云太元中婦女緩鬢傾髻以爲盛飾用髮旣多不可恆戴乃先于木及籠上裝之名曰假髻改名假頭今婦人尚有金步搖盤圈髮次之飾

地官云媒氏注媒之言謀也謀合與類使和成者今齊人名

麴熱曰媒按說文云媒謀也謀合二姓从女某聲鄭注與
許說合漢書司馬遷傳云全軀保妻子之臣隨而媒孽其
短臣瓚曰媒謂邁合會之孽謂生其罪覺也師古曰媒如
媒聘之媒孽如鞠孽之孽一曰齊人謂鞠餅爲媒也與鄭
注亦台中麴熱當作鞠熱說文云鞠酒母也从米鞠省聲
鞠或从麥鞠省聲麥甘鬱也从麥公聲漢書孽當作孽
臣瓚謂生其罪覺非

司門云每門下士二人注司門若今城門校尉主王城十二
門按劉昭注補續漢志引干寶曰司門如今校尉下士如
今門候漢書百官公卿表云城門校尉掌京師城門屯兵
有司馬十二城門候師古曰門各有候蕭望之署小苑東

門候亦其比也續漢百官志云城門校尉一人比二千石
本注曰掌維陽城門十二所司馬一人千石本注曰主兵
城門每門候一人六百石注補引蔡質漢儀曰門候見校
尉執版下拜又左氏莊十九年傳云楚人以爲大閘謂之
大閘杜注若今城門校尉然則鬻拳爲大閘當如地官之
司門非天官之閘人也

山虞注虞度也度知山之大小及所生者按虞本騶虞之名
故以名官注云虞度也者釋詁云度慮謀也意蓋假虞爲
慮耳左氏昭二年傳云山人取之杜注山人虞官孔疏周
禮山虞掌山林之政令知山人虞官也又昭二十年傳云
招虞人以弓杜注虞人掌山澤

澤虞云每大澤大藪注澤水所鍾也水希曰藪按左氏昭二
十年傳云藪之薪蒸虞候守之孔疏周禮山澤之官皆名
爲虞藪是少水之澤立官使之候望故以虞候爲名釋鳥
云鷺澤虞御覽引孫炎云鴈鳩或謂紡澤虞其別名也常
在澤中見人報鳴不去有象主守之官因名之說文云紡
澤虞也據徐注象澤虞之官因名然安知非以鳥名官乎
迹人注迹之言跡知禽獸處按說文云迹步處也从辵亦聲
蹟或从足賁速籀文迹从束無跡字然則注當作迹之言
蹟或作迹之言迹以古文訓今字耳左氏哀十一年傳云
以乘車往回迹人來告杜注迹人主迹禽獸者蓋春秋時
猶有此官也

升人注升之言礦也金玉未成器曰礦疏經所云升是總角之升字此官取金玉於升字無所用故轉從石邊廣以其金玉出於石左形右聲从礦字也按說文云礦銅鐵橫石也从石黃聲讀若礦升古文礦周禮有升人玉篇云礦古猛切礦同此注云升之言礦蓋以今字訓古文猶迹人注迹之言跡耳凡古人訓詁有同文異義如校人注校之爲言校也大司馬注提讀如攝提之提釋名云已已也謂已午之已卽已止之已也弟弟也謂兄弟之弟卽次弟之弟也有異文同義如釋名云雲猶云云衆盛意也云卽雲之古文也灾裁也灾卽裁之重文也賈疏未檢說文升卽礦之古文乃謂經所云升是總角之升字不知總角之升卽

𦍋角之𦍋與𦍋人之𦍋不同也九經字樣云𦍋說文以爲古𦍋字蓋𦍋字篆作𦍋本或駁蝕去其兩旁止存𦍋形遂與𦍋之古文𦍋相混近儒有謂說文石部之𦍋舊在𦍋部後人移置之𦍋本古文𦍋字引伸爲總角𦍋𦍋之𦍋又假借爲金玉樸之𦍋其說終不徵信也

圉人注圉今之苑疏此舉漢法以況古謂之圉漢家謂之苑按續漢書百官志云上林苑令一人六百石本注曰主苑中禽獸頗有民居皆主之捕得其獸送大官注補桓帝又置鴻德苑令

饎人注故書饎作𦍋按特性饎食禮云主婦視饎饎注古文饎作𦍋周禮作𦍋所稱周禮乃故書也說文云饎酒食也

从食喜聲餽或从甌糲或从米是周禮之故書儀禮之古文皆餽之重文也餽今本二禮注誤作饌

大司徒之職云掌建邦之土地之圖注土地之圖若今司空郡國輿地圖疏漢蕭何收秦圖籍以知天下阨塞廣遠至後漢乃有司空郡國地圖輿者車輿其前牙曲地形不可正方故云輿地圖也按漢書武帝紀云元狩六年御史大夫奏輿地圖請所立國名立齊燕廣陵三王又淮南王安傳云日夜與左吳等按輿地圖部署兵所從入蘇林曰輿猶盡載之意據此知漢初已有輿地圖疏言後漢乃有失之後漢書光武紀云建武一十五年議封皇子請大司空上輿地圖注廣雅曰輿載也言載在地者皆圖畫之司空

掌土地故令上之注與前書蘇林說皆以輿爲載疏說亦非

正治而致事注致事上其計簿疏漢時考吏謂之計吏據其使人也此言計簿據其文書也按漢書宣帝紀元黃龍元年詔曰上計簿具文而已御史察計簿疑非實者按之貢禹傳云郡國掾便巧史書習於計簿能欺上府者以爲右職匡衡傳云郡定國界上計簿更定圖言丞相府俱有上計簿之事簿爲俗字疑當作節說文云節蒨爰也繫傳引字書云蒨爰簡牘也

鄉師云及窆注鄭司農云窆謂葬下棺也春秋傳曰日中而壙禮記所謂封者按說文云窆葬下棺也从穴乏聲周禮

曰及窆執斧墼禬葬下土也从土朋聲春秋傳曰朝而墼
禮謂之封周官謂之窆虞書曰墼濞于家亦如是按許君
說與仲師合窆从乏聲讀方勇反墼从朋聲朋卽鳳字鳳
从凡聲與乏相近與封亦近故遂入注云聲相似墼當作
墼字之誤也說文引虞書曰墼濞于家亦如是謂書假借
爲朋濞字耳禮記檀弓云縣棺而封注封當爲窆窆下棺
也謂禮假借爲窆棺字耳虞翻注易不封不樹云封古窆
字非

以泣匠師注故書泣作立鄭司農云立讀爲泣泣謂臨視也
按說文云竅臨也从立隶聲宋至和石經周禮肆師職云
竅几筵正作竅字與說文合經典相承作泣或作莅非也

族師云春秋祭酺亦如之注酺者爲人物裁害之神也故書
酺或爲步杜子春云當爲酺玄謂校人職又有冬祭曰步
則未知世所云蜚蜚之酺與人鬼之步與蓋亦爲壇位如
雩祭云按史記秦始皇紀云天下大酺集解服虔曰酺音蒲
周禮族師掌春秋祭酺爲人物災害之神蘇林曰陳留俗
三月上巳水上飲食爲酺又帝紀云酺五日文穎曰音
步漢律三人以上無故羣飲酒罰金四兩今詔橫賜得令
會聚飲食也師古曰酺之爲言布也王德布于天下而合
聚飲食爲酺服音是也說文云酺王者布德大飲酒也从
酉甫聲蓋周禮故書作步故文穎音步同聲假借服說與
鄭相應師古注本說文

封人云設其楅衡置其綏注鄭司農云楅衡所以持牛也綏
著牛鼻繩所以牽牛者今時謂之雉與古者名同杜子春
云楅衡所以持牛令不得抵觸人玄謂楅設于角衡設于
鼻如楸狀也綏字當以豸爲聲釋文綏本又作紉疏漢時
有置于犬之上謂之楸故舉以況衡按詩閟宮云夏而楅
衡傳所以楅持牛使不抵觸也杜說本毛傳楸當作械說
文云械桎梏也說文有紉無綏釋文本又作紉是也據此
知後鄭謂紉字當以引爲聲矣少儀云牛則執紉注紉所
以繫制之者祭統云君執紉注紉所以牽牲也先鄭以今
時謂之雉與古者名同後鄭破之謂以引爲聲與雉不同
也

鼓人云夜鼓鑿注鑿夜戒守鼓也司馬法曰昏鼓四通爲大
鑿夜半三通爲晨戒旦明五通爲發昀按說文云鑿夜戒
守鼓也禮昏四通爲大鑿夜半三通爲戒晨旦明五通爲
發明讀若威玉篇云鑿又作鑿蓋鑿爲隸俗許說與禮注
同注引司馬法而說文稱禮者以其爲禮家之說與春官
眡瞭云鑿愷獻注杜子春讀爲憂戚之戚謂戒守鼓也鑿
鼓聲疾數曰威與說文亦合

舞師云教帔舞帥而舞社稷之祭祀教羽舞帥而舞四方之
祭祀教皇舞帥而舞旱暵之事注羽析白羽爲之形如帔
也鄭司農云皇舞蒙羽舞書或爲翬或爲義立謂皇析五
采羽爲之形如帔按說文云翬樂舞執全羽以祀社稷也

從羽友聲讀若友翌樂舞曰羽翳自翳其首曰祀星辰也
從羽王聲讀若皇許說用周禮注蓋故書作翌翌今書作
帔皇鄭司農注疑本有脫誤當云翌舞全羽舞翌舞蒙羽
舞書或爲帔或爲皇今誤作或爲翌或爲義蓋先鄭從故
書作翌翌與說文同後鄭從今書作帔皇也春官樂師注
亦然

牛人云軍事其其犒牛注鄭司農云犒師之牛按唐石經作
犒牛宋本注作犒師是也彙人注鄭司農云彙讀爲犒師
之犒秋官小行人犒禴注故書犒爲彙鄭司農云彙當爲
犒謂犒師也蓋彙爲禾彙犒爲枯犒故書作彙先鄭俱讀
爲犒也左氏僖二十六年傳云公使展喜犒師疏引服虔

曰以師枯槁故饋之飲食則槁爲正字槁爲俗字五經文字云勞師借槁字爲之其實非借也

司市云以質劑結信而止訟注質劑謂兩書一札而別之也若今下手書言保物要還矣疏漢時下手書卽今指畫券與古質劑同也按涪翁雜說云畫指券豈今細民棄妻子手摹者乎蓋宋時棄妻子手摹卽元人所謂離書手印細民不知書惟印手文于券以取信今人畫十字是其遺意遺人云掌邦之委積注廩人倉人計九穀之數足國用以其餘其之所謂餘法用也疏此下數者皆謂當年所稅多少總送帳于上按後漢書光武紀云遣使奉計注計謂士庶名籍若今計帳南史高拱之傳云祕書圖籍多致零落詔

令道穆總集帳目蓋帷梃曰帳而計筭亦曰帳者運籌蓋在帷梃中也俗作賬非

泉府云歛市之不售貨之滯于民用者注故書滯爲痺杜子春云痺當爲滯按售當爲讎詳見詩疏記廛人云凡珍異之有滯者注故書滯作廛後鄭謂滯讀如沈滯之滯此注從杜子春亦破痺爲滯也世說云謝安鄉人有罷中宿縣者問歸貲曰惟有五萬蒲葵又以非時爲滯貨安乃取其中者捉之耕餘錄云俗以不合時宜曰滯貨出于世說殊不知世說本于周禮也

掌節云皆金也以英蕩輔之注今漢有銅虎符杜子泰蕩云不當爲帑謂以函器盛此節或曰英蕩畫函按續漢書南官

志注補引干寶注曰虎節龍節皆金漢之銅虎符則其制也以英蕩輔之英刻書也蕩竹箭也刻而書其所使之事以助三節之信則漢之竹使符者亦取則于故事也干寶不從子春讀蕩爲帑而以蕩爲竹箭則蕩當作蕩說文云蕩大竹也從竹湯聲蕩可爲幹漢書文帝紀云二年九月初與郡守爲銅虎符竹使符注應劭曰銅虎符第一至第五國家當發兵遣使者至郡合符符合乃聽受之竹使符皆以竹箭五枚長五寸鐫刻篆書第一至第五張晏曰符以代古之圭璋從簡易也師古曰與郡守爲符者謂各分其半右留京師左以與之續漢書百官志云符節令本注曰爲符節臺率主符節事凡遣使掌授節尚符璽郎中本

注曰主璽及虎符竹符之半者

草人云駢剛用牛赤緹用羊墳壤用麋注故書駢爲挈墳作
蚤杜子春挈讀爲駢謂地色赤而土剛強也鄭司農云墳
壤多蚤鼠也玄謂墳壤潤解按說文云埤赤剛土也從土
解省聲是埤爲正字駢爲別字牧人之駢牲魯頌王制之
駢剛皆當作埤說文云駢地中行鼠伯勞所化也從鼠分
聲駢或从虫分是駢爲正字蚤爲別字

稻人云以豬畜水以防止水注鄭司農說豬防以春秋傳曰
町原防規偃豬玄謂偃豬者畜流水之波也防豬防隄也
按唐石經作以豬畜水說文無豬字新附有之非也此先
鄭注引左傳及後鄭注本作豬

葉人云掌共外內朝冗食者之食注外朝司寇斷獄弊訟之朝也今司徒府中有百官朝會之殿云天子與丞相舊決大事焉是外朝之存者與內朝路門外之朝也冗食者謂留治文書若今尚書之屬諸直上者疏冗散也外內朝上直諸吏謂之冗吏亦曰散吏按續漢書百官志注補引干寶注曰禮司徒府中有百官朝會殿天子與丞相決大事是外朝之存者此與鄭注同又引蔡質漢儀曰司徒府與蒼龍闕對厭於尊者不敢號府應劭曰丞相舊位在長安時府有四爲東西門國每有大議天子車駕親幸其殿殿西王侯以下更衣併存每歲州郡聽采長吏臧否民所疾苦遣條奏之是爲之舉謠言掾屬令史都會殿上主者大

言某州郡行狀又續漢書歷志云熹平四年詔以羣臣會
司徒府議卽其事也又百官志云冗從僕射本注曰主中
黃門冗從說文云冗楸也從人人在屋下無田事也周書
曰宮中之冗食引周書當作周禮曰內外朝冗食者之食
因校人宮中之稍食而誤也

簡莊疏記卷之六